

Ffurflen Ymateb i'r Ymgynghoriad

Eich enw	Angharad Morgan
Eich cyfeiriad	Mudiad Meithrin [Redacted Address]
Dewis fanylion cyswllt (e-bost/ffôn/post)	[Redacted Contact Details]
Sefydliad (lle bo'n berthnasol)	Mudiad Meithrin

1. Canlyniadau'r FfDC (pennod 3)

Mae'r FfDC wedi cynnig 11 o ganlyniadau fel uchelgais ar gyfer ble rydym am fod ymhen 20 mlynedd.

- Yn gyffredinol, i ba raddau rydych yn cytuno neu'n anghytuno bod yr 11 o ganlyniadau yn weledigaeth realistig ar gyfer y FfDC?

Cytuno'n gryf	Cytuno	Ddim yn cytuno nac yn anghytuno	Anghytuno	Anghytuno'n gryf	<i>Ddim yn gwybod</i>	<i>Dim barn</i>
<input checked="" type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>

- I ba raddau rydych yn cytuno â'r 11 o ganlyniadau fel uchelgeisiau ar gyfer y FfDC?

Cytuno â phob un ohonynt	Cytuno â'r rhan fwyaf ohonynt	Cytuno â rhai ohonynt	Ddim yn cytuno â'r un ohonynt	<i>Ddim yn gwybod</i>	<i>Dim barn</i>
<input checked="" type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>

- Os ydych yn anghytuno ag unrhyw rai o'r 11 o ganlyniadau, dywedwch wrthym pam:

Rydym yn cytuno gyda'r 11 o ganlyniadau sydd wedi eu nodi fel uchelgeisiau ar gyfer 2020 – 2040. Ac yn falch o weld bod sicrhau miliwn o siaradwyr Cymraeg erbyn 2050 wedi ei nodi fel canlyniad 4.

2. Strategaeth Ofodol (pennod 4.1- 4.2, polisïau 1 - 4)

Mae **strategaeth ofodol** y FfDC yn fframwaith arweiniol ar gyfer y lleoedd hynny y bydd newid ar raddfa fawr a datblygiadau o bwys cenedlaethol wedi'u canolbwyntio arnynt dros yr 20 mlynedd nesaf.

- I ba raddau rydych yn cytuno neu'n anghytuno â'r strategaeth ofodol a'r egwyddorion allweddol ar gyfer datblygu mewn...

	Cytuno'n gryf	Cytuno	Ddim yn cytuno nac yn anghytuno	Anghytuno	Anghytuno'n gryf	Ddim yn gwybod	Dim barn
Ardaloedd trefol (Polisïau 1, 2 a 3)	<input type="checkbox"/>	<input checked="" type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>
Ardaloedd gwledig (Polisi 4)	<input type="checkbox"/>	<input checked="" type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>

- Os oes gennych unrhyw sylwadau ar y strategaeth ofodol neu'r egwyddorion allweddol ar gyfer datblygu mewn ardaloedd trefol a gwledig, dywedwch wrthym:

Polisi 1: Twf Trefol Cynaliadwy. Nodwn bwysigrwydd cynllunio ar gyfer darpariaethau addysg, gofal a chwarae digonol wrth ystyried anghenion twf ardaloedd trefol, ac yn benodol yr angen i sicrhau darparu lleoliadau a gwasanaethau sydd yn cynnig darpariaeth cyfrwng Cymraeg pwrpasol.

Polisi2: Cefnogi Canolfannau Trefol. Cytunwn fod angen i Lywodraeth Cymru ac Awdurdodau Lleol sicrhau eu bod yn arwain y ffordd wrth ddatblygu cyfleusterau cynaliadwy, sy'n wasanaethau cymunedau yn lleol ac yn agos i'w cartrefi, er mwyn sicrhau eu bod yn diwallu anghenion cymunedau yn well.

Polisi 3: Buddsoddiad Cyhoeddus, Adeiladau Cyhoeddus a Thir Cyhoeddus. Mae 1 o bob 3 o drigolion Cymru yn byw mewn ardal wledig, ac mae heriau yn wynebu'r economi gwledig o ganlyniad i ddwysedd isel y boblogaeth. Nodwn fod cadarnleoedd traddodiadol y Gymraeg yn yr ardaloedd hyn, a bod angen ystyried buddsoddiad o dan adran Polisi 3 yn yr ardaloedd hyn er mwyn cynyddu nifer y swyddi a chadw pobl a theuluoedd ifanc yn y gymuned.

Polisi 4: Cefnogi Cymunedau Gwledig. Cytunwn fod angen sicrhau mynediad i'r farchnad gwaith a'r farchnad economaidd. Nodwn hefyd yr angen i ddatblygu a chymorthdal trafnidiaeth gyhoeddus mewn ardaloedd gwledig er mwyn galluogi

busnesau ac unigolion i fanteisio ar gyfleoedd gwaith a chymdeithasol. Mae'r cysylltiadau hyn hefyd yn bwysig i ddatblygu cysylltiadau cymunedol rhwng cymunedau gwasgaredig, ac yn galluogi cynnal a datblygu mentergarwch a chyfleoedd cymdeithasol a diwylliannol. Nodwn hefyd yr angen i sicrhau datblygiadau tai fforddiadwy digonol mewn ardaloedd gwledig er mwyn galluogi unigolion a theuluoedd ifanc i aros yn eu cymunedau lleol.

3. Tai Fforddiadwy (polisi 5)

Mae'r FfDC yn nodi'r dull gweithredu ar gyfer darparu tai fforddiadwy, gan annog cynghorau, landlordiaid cymdeithasol a busnesau adeiladu bach a chanolig i adeiladu mwy o gartrefi.

- I ba raddau rydych yn cytuno neu'n anghytuno â'r dull o gynyddu nifer y tai fforddiadwy?

Cytuno'n gryf	Cytuno	Ddim yn cytuno nac yn anghytuno	Anghytuno	Anghytuno'n gryf	<i>Ddim yn gwybod</i>	<i>Dim barn</i>
<input type="checkbox"/>	<input type="checkbox"/>	<input checked="" type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>

- Os ydych yn anghytuno, ym mha ffyrdd eraill y gall y FfDC fynd ati i gyflenwi tai fforddiadwy?

Nodwn yr angen i sicrhau fforddiadwyedd tai i unigolion sydd am aros yn eu cymunedau lleol wrth iddynt adael cartref eu rhieni. Er bod y FfDC yn nodi y bydd Llywodraeth Cymru yn gweithio gyda phawb sy'n ymwneud â chynllunio a chyflenwi tai i ddiwallu'r angen hyn, nodwn yr angen i sicrhau cyflenwad digonol o gartrefi fforddiadwy i'w prynu a hefyd i'w rhentu, gan ystyried fforddiadwyedd lefel y rhent sydd yn galluogi unigolion i gynilo ar gyfer prynu ei chartref ei hunain yn y dyfodol, nid yn unig talu rhent i amryw o wahanol landlordiaid dros gydol eu hoes.

4. Parthau Gweithredu Ffonau Symudol (polisi 6)

- I ba raddau rydych yn cytuno neu'n anghytuno y bydd nodi parthau gweithredu ffonau symudol yn effeithiol o ran gwella signal ffonau symudol?

Cytuno'n gryf	Cytuno	Ddim yn cytuno nac yn anghytuno	Anghytuno	Anghytuno'n gryf	<i>Ddim yn gwybod</i>	<i>Dim barn</i>
<input type="checkbox"/>	<input checked="" type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>

- Os ydych yn anghytuno, ym mha ffyrdd eraill y gall y FfDC wella signal ffonau symudol yn yr ardaloedd sydd â mynediad cyfyngedig ar hyn o bryd?

Nodwn yr angen i sicrhau mynediad at gysylltedd digidol ledled Cymru. Bydd sicrhau signal ffonau symudol da yn gweithredu er budd llesiant economaidd a chymdeithasol ardaloedd gwledig Cymru.

5. Cerbydau Allyriadau Isel (polisi 7)

- I ba raddau rydych yn cytuno neu'n anghytuno y bydd polisi 7 yn galluogi ac annog cyflwyno seilwaith gwefru ar gyfer cerbydau allyriadau isel iawn?

Cytuno'n gryf	Cytuno	Ddim yn cytuno nac yn anghytuno	Anghytuno	Anghytuno'n gryf	<i>Ddim yn gwybod</i>	<i>Dim barn</i>
<input type="checkbox"/>	<input type="checkbox"/>	<input checked="" type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>

- Os ydych yn anghytuno, ym mha ffyrdd eraill y gall y FfDC alluogi ac annog cyflwyno seilwaith gwefru ar gyfer cerbydau allyriadau isel iawn?

Nodwn yr angen am fuddsoddiad cyfalaf cynnar yn y seilwaith gwefru ar gyfer cerbydau allyriadau isel iawn mewn ardaloedd gwledig yng Nghymru. Oherwydd natur ddaearyddol Cymru, a'r pellter rhwng canolfannau trefol, mae angen sicrhau adeiladu'r rhwydwaith cyn medru annog trigolion gwledig Cymru i fanteisio ar y math hwn o gerbydau. Yn atodol, rhaid sicrhau ehangu'r rhwydwaith mewn ardaloedd trefol er mwyn sicrhau cyflenwad digonol ar gyfer nifer cynyddol o ddefnyddwyr.

6. Seilwaith Gwyrdd (polisiâu 8 a 9)

- I ba raddau rydych yn cytuno neu'n anghytuno â'r dull o gynnal a gwella bioamrywiaeth a rhwydweithiau ecolegol?

Cytuno'n gryf	Cytuno	Ddim yn cytuno nac yn anghytuno	Anghytuno	Anghytuno'n gryf	<i>Ddim yn gwybod</i>	<i>Dim barn</i>
<input type="checkbox"/>	<input checked="" type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>

7. Ynni Adnewyddadwy a Rhwydweithiau Gwres Rhanbarthol (polisïau 10-15)

- I ba raddau rydych yn cytuno neu'n anghytuno â pholisïau'r FfDC i leihau allyriadau carbon yng Nghymru drwy ddefnyddio...

	Cytuno'n gryf	Cytuno	Ddim yn cytuno nac yn anghytuno	Anghytuno	Anghytuno'n gryf	<i>Ddim yn gwybod</i>	<i>Dim barn</i>
Datblygiadau gwynt a solar mawr	<input type="checkbox"/>	<input type="checkbox"/>	<input checked="" type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>
Rhwydweithiau gwres rhanbarthol	<input type="checkbox"/>	<input type="checkbox"/>	<input checked="" type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>

- Os ydych yn anghytuno â dulliau'r FfDC o ymdrin â seilwaith gwyrdd, ynni adnewyddadwy neu rwydweithiau gwres rhanbarthol, pa ddulliau gweithredu amgen y dylem eu hystyried er mwyn helpu Cymru i wella ei bioamrywiaeth a newid i economi carbon isel?

Nodwn yr angen i sicrhau bod yr effaith weledol mai'r ardaloedd a blaenoriaeth ar gyfer ynni solar ac ynni gwynt yn cael eu hystyried fel rhan o'r broses cynllunio ym mhob ardal, nid yn unig mewn ardaloedd adeiledig. Nodwn hefyd yr angen i sicrhau nad yw datblygiadau ynni adnewyddadwy a'r seilwaith gwyrdd yn tanseilio gallu ffermwyr Cymru i barhau i ffermio a chynhyrchu bwyd i'r farchnad.

8. Y Rhanbarthau (polisi 16)

- I ba raddau rydych yn cytuno neu'n anghytuno â'r egwyddor o ddatblygu Cynlluniau Datblygu Strategol wedi'u llunio ar lefel ranbarthol?

[illegible]

11. De-ddwyrain Cymru (polisïau 27-33)

Yn Ne-ddwyrain Cymru rydym yn bwriadu cynyddu rôl Caerdydd fel y brifddinas a sicrhau mwy o dwf cynaliadwy yng Nghasnewydd a'r Cymoedd. Bydd llain las o amgylch Casnewydd a rhannau dwyreiniol y rhanbarth yn cefnogi'r strategaeth ofodol ac yn canolbwyntio gwaith datblygu ar ddinasoedd a threfi sy'n bodoli eisoes. Bydd Datblygu sy'n Canolbwyntio ar Drafnidiaeth, sy'n defnyddio lleoliadau sydd â gorsafoedd rheilffordd prif linell a gorsafoedd Metro, yn llywio'r ymagwedd tuag at ddatblygu ledled y rhanbarth. Mae cefnogaeth o blaid tyfu a datblygu Maes Awyr Caerdydd.

- I ba raddau rydych yn cytuno neu'n anghytuno â'r polisïau a'r dull gweithredu arfaethedig ar gyfer rhanbarth y De-ddwyrain?

Cytuno'n gryf	Cytuno	Ddim yn cytuno nac yn anghytuno	Anghytuno	Anghytuno'n gryf	<i>Ddim yn gwybod</i>	<i>Dim barn</i>
<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>

Os oes gennych unrhyw sylwadau ar ddull gweithredu neu bolisïau'r FfDC ar gyfer y tri rhanbarth, dywedwch wrthym. Os oes gennych unrhyw ddewisiadau amgen, esboniwch nhw a dywedwch wrthym pam y byddent yn well, yn eich barn chi.

Er ein bod yn cytuno gyda'r egwyddor o ddatblygu Cynlluniau Datblygu Strategol wedi'u llunio a'u deilwra yn Rhanbarthol, nodwn bryder bod anghenion y siroedd sydd wedi eu cynnwys yn Rhanbarth y Canolbarth a'r De-Orllewin yn wahanol iawn i'w gilydd, gyda rhai ardaloedd dinesig a rhai gwledig llai poblog yn dod o dan yr un cynllun rhanbarthol.

Cytunwn gyda'r egwyddor o sicrhau bod gweithgarwch adfywio yn cynyddu ffyniant ac yn mynd i'r afael ag anghydraddoldebau cymdeithasol ar draws Cymru.

Croesawn y ffaith fod y FfDC yn nodi ei fod yn bwysig bod y Cynlluniau Datblygu Rhanbarthol yn ystyried y gydberthynas rhwng cyflenwad tai, trafnidiaeth, twf economaidd a'r laith Gymraeg.

Nodwn hefyd bod yr ardaloedd y nodwyd ar gyfer twf poblogaeth, tai, a gwasanaethau ar draws y tri rhanbarth i gyd eisoes yn ganolfannau poblog mawr. Os yw hyn yn arwain at ganoli gwasanaethau hamdden a chymdeithasol yn yr ardaloedd hyn, heb fuddsoddiad digonol i ymestyn ac i gryfhau'r cysylltiadau trafnidiaeth o'r ardaloedd mwy gwledig, mae peryg i drigolion gwledig Cymru colli allan ar weithgareddau diwylliannol a chyfleoedd i gymdeithasu.

Er noder yn y FfDC bod llifogydd o afonydd a'r môr yn broblem ar hyd rhanbarth y Gogledd, mae'r map ar dudalen 50 yn nodi mai trefi arfordirol fydd ffocws y twf

rhanbarthol ar gyfer y Gogledd.

Nodwn hefyd bod nifer o bwyntiau sy'n gysylltiedig gyda Pholisi 19 a Pholisi 28, yn nodi'r angen i wella cysylltiadau gydag ardaloedd cyfagos yn Lloegr. Er cydnabod y gall hyn fod yn fanteisiol i ddatblygiad yr economi lleol mewn ardaloedd ar y ffin, teimlwn y byddai ffocws ar wella cysylltiadau ar hyd a lled Cymru yn ein galluogi i rannu arbenigeddau ar draws ein gwlad, a gwella cysylltedd y boblogaeth yn gyffredinol.

Wrth ystyried datblygiadau a chynlluniau isadaeladedd cyhoeddus, dylid sicrhau bod ystyriaeth i'r math o swyddi sy'n cael eu creu. Mae'n bwysig sicrhau od yna gyfleoedd i bobl leol i weithio ar brosiectau a chynlluniau mawr, nid yn unig creu swyddi sydd wedyn yn cynyddu mewnfudiad i'r ardal.

12. Arfarniad o Gynaliadwyedd Integredig

Fel rhan o'r broses ymgynghori, cynhaliwyd Arfarniad o Gynaliadwyedd Integredig er mwyn asesu effeithiau cymdeithasol, economaidd ac amgylcheddol cynllun. Nododd yr adroddiad nifer o ddangosyddion monitro, gan gynnwys iechyd, cydraddoldebau, y Gymraeg, yr effaith ar gymunedau gwledig, hawliau plant, newid yn yr hinsawdd a datblygu economaidd.

- A oes gennych unrhyw sylwadau ar ganfyddiadau'r Adroddiad ar yr Arfarniad o Gynaliadwyedd Integredig? Nodwch unrhyw ddangosyddion monitro amgen eraill a fyddai'n atgyfnerthu'r Arfarniad o Gynaliadwyedd Integredig, yn eich barn chi.

Gweler ein hymateb i gwestiwn 14.

13. Asesiad Rheoliadau Cynefinoedd

Fel rhan o'r gwaith o ddatblygu'r FfDC, cynhaliwyd Asesiad Rheoliadau Cynefinoedd. Diben proses yr Asesiad yw nodi ac asesu unrhyw 'effeithiau sylweddol' a gaiff y cynllun ar safleoedd megis Ardaloedd Cadwraeth Arbennig ac Ardaloedd Gwarchodaeth Arbennig ar gyfer adar, a mynd i'r afael â nhw.

- A oes gennych unrhyw sylwadau ar yr Adroddiad ar yr Asesiad Rheoliadau Cynefinoedd?

Gweler ein hymateb i gwestiwn 14.

14. Y Gymraeg

Hoffem wybod eich barn ar yr effeithiau y byddai'r FfDC yn eu cael ar y Gymraeg, yn benodol o ran cyfleoedd i bobl ddefnyddio'r Gymraeg ac o ran peidio â thrin y Gymraeg yn llai ffafriol na'r Saesneg.

- Beth fyddai'r effeithiau yn eich barn chi? Sut y gellid cynyddu'r effeithiau cadarnhaol, neu liniaru'r effeithiau negyddol?

Un o'r saith nod llesiant yn Neddf Lles Cenedlaethau'r Dyfodol (Cymru) 2015 yw Cymru o ddiwylliant bywiog ble mae'r Gymraeg yn ffynnu. Gan gadw hyn mewn cof, dylai'r FfDC gyfeirio gweledigaeth Llywodraeth Cymru ar gyfer yr iaith Gymraeg yn fwy clir o fewn y 33 maes polisi sydd wedi eu nodi. Gan gydnabod y berthynas sydd rhwng y system gynllunio a'r economi wrth sicrhau hyfywedd cymunedau Cymraeg eu hiaith, dylai'r weledigaeth hon a ffyniant yr iaith Gymraeg dreiddio i bob maes o'r ddogfen polisi hon.

Mae'n syndod nad yw gweledigaeth y fframwaith ar gyfer 2040 yn rhagweld cymunedau ble byddai'r Gymraeg yn ffynnu. Byddai hyn yn cwrdd ag amcan y Ddeddf Llesiant Cenedlaethau'r Dyfodol i sicrhau 'Cymru o ddiwylliant bywiog ac iaith Gymraeg ffyniannus'.

Dylid pwysleisio, y dylai'r Gymraeg hefyd fod yn ystyriaeth ganolog i nifer o amcanion eraill y FfDC, gan gynnwys y rhai sy'n gysylltiedig â ffyniant economaidd ac adfywio; Rhanbarthau Dinas a Bargeinion Twf; Cymru Wledig; Tai; Diwylliant a Threftadaeth; Iechyd a Lles; Seilwaith Digidol a Chymunedau Cydlynol.

Croesawn y ffaith bod cefnogaeth i gymunedau Cymraeg eu hiaith yn cael ei nodi yn achlysurol o fewn y FfDC. Er mwyn cefnogi pob cymuned yng Nghymru i gefnogi ac i ddatblygu'r defnydd o Gymraeg, bydd angen nodi cyfleoedd cyflogaeth briodol ar gyfer pob ardal a chynllunio darpariaeth cartrefi newydd fel bod rheolaeth ar y boblogaeth yn cael ei rheoli'n ofalus, gan sicrhau cyflenwad digonol o gyfleusterau a gwasanaethau cyfrwng Cymraeg i'r trigolion i gyd.

Eglurwch hefyd sut y gellid llunio neu newid y FfDC arfaethedig, yn eich barn chi, er mwyn sicrhau:

- I. ei fod yn cael effeithiau cadarnhaol neu fwy o effeithiau cadarnhaol ar gyfleoedd i bobl ddefnyddio'r iaith Gymraeg ac na chaiff yr iaith Gymraeg ei thrin yn llai ffafriol na'r Saesneg
- II. nad yw'n cael effeithiau niweidiol ar gyfleoedd i bobl ddefnyddio'r iaith Gymraeg nac ar drin yr iaith Gymraeg yn llai ffafriol na'r Saesneg.

Yn naturiol, pryderwn am effaith y cynigion hyn ar hyfywedd y Gymraeg a hydrinedd ein cymdogaethau a'n rhwydweithiau Cymraeg ledled Cymru – y cymdogaethau a'r rhwydweithiau sy'n bennaf gyfrifol am atgynhyrchu'r Gymraeg fel cyfrwng cymdeithasol diofyn.

Teimlwn fod y Gymraeg, y Cylchoedd Meithrin a'r Cylchoedd Ti a Fi ledled Cymru yn Adnoddau cymunedol sydd yn cyfrannu tuag at gynnal cymunedau bywiog ar draws Cymru. Nodwn hefyd bod y Cylchoedd Meithrin a Chylchoedd Ti a Fi sydd yn cwrdd yn ein cymunedau amaethyddol yn cyfrannu tuag at hyfywedd economaidd yr ardaloedd hynny, ac yn cynnig cyfleoedd gyrfa yn ogystal â darparu gofal ac addysg Blynnyddoedd Cynnar cyfrwng Cymraeg yn yr ardaloedd hynny.

Dylid cynnwys y rhwydwaith naturiol o fudiadau sydd eisoes yn cefnogi ffyniant diwylliant Cymraeg ledled Cymru yn yr ystyriaethau hyn, Canghennau Merched y Wawr, Cylchoedd Meithrin a Chylchoedd Ti a Fi, Clybiau Ffermwyr Ifanc a'r Mentrau Iaith ymhlith eraill.

Gan ystyried y strategaeth 'Cymraeg 2050' ac amcan Deddf Llesiant Cenedlaethau'r Dyfodol (Cymru) 2015 o sicrhau ffyniant y Gymraeg yn ein cymunedau, daliwn y dylai cynnal y Gymraeg yn ein cymunedau fod yn un o'r nodau strategol ac yn egwyddor ganolog i unrhyw gynlluniau newydd a argymhellir, gan gynnwys y FfDC. Drwy anelu at ddatblygu cymunedau cydlynus, cynigiwn y dylai'r nod hwnnw fod ar dudalen flaen unrhyw gynllun sy'n ymwneud â chynlluniau datblygu yng Nghymru.

15. Sylwadau Pellach

- A oes unrhyw sylwadau pellach yr hoffech eu gwneud ar y FfDC, neu unrhyw gynigion amgen y dylem eu hystyried, yn eich barn chi?

Nodwn yr angen i gyfeiri at, a medru ymateb i sgil-ffeithiau annisgwyl gadael yr Undeb Ewropeaidd ar y Fframwaith Datblygu Cenedlaethol 2020-2040. Awgrymwn hefyd y dylid ystyried ymatebion i ymgynghoriad y FfDC ochr yn ochr ag ymatebion ymgynghoriad Ffermio Cynaliadwy a'r Tir: Cynigion diwygiedig ar gyfer Cefnogi ffermwyr Cymru ar ôl Brexit sy'n cau ar y 30 Hydref 2019.

Nodwn hefyd bwysigrwydd sicrhau cyflenwad digonol o gyfleoedd ac ardaloedd sy'n

galluogi i blant a'u teuluoedd chwarae yn yr awyr agored. Noder yn Erthygl 31 y UNCRC bod gan bob plentyn yr hawl i amser hamdden, i gymryd rhan mewn gweithgareddau chwarae a hamdden sy'n briodol i oedran y plentyn ac i gymryd rhan yn rhydd mewn bywyd diwylliannol a'r celfyddydau. Mae hefyd yn gosod disgwyliad i'r aelod lywodraethau parchu hyn drwy ddarparu cyfleoedd priodol a chyfartal ar gyfer gweithgareddau hamdden. Mae iechyd Cyhoeddus Cymru eisoes wedi cydnabod pwysigrwydd chwarae yn yr awyr agored fel rhan o'r cynllun **10 cam i bwysau iach**. Mae plant sy'n egnïol ac yn chwarae o oedran ifanc yn fwy tebygol o fod yn egnïol wrth iddynt fynd yn hŷn ac yn fwy tebygol o gynnal pwysau iach.

16. A ydych yn...?

Rhoi eich ymateb personol eich hun	<input type="checkbox"/>
Cyflwyno ymateb ar ran sefydliad	<input checked="" type="checkbox"/>

Bydd ymatebion i'r ymgynghoriad yn cael eu rhannu gyda Cynulliad Cenedlaethol Cymru ac yn debygol o gael eu cyhoeddi, ar y rhyngrwyd neu mewn adroddiad. Os byddai'n well gennych i'ch ymateb gael ei gadw'n gyfrinachol, ticiwch yma	<input type="checkbox"/>
--	--------------------------